



Iroun Beretitenti Thomas S. Monson

Riiki Bwa Tebanna ni Katooto ao te Oota

*Ngkana ti ira ana banna ni katooto te Tia Kamaiu, e na riki
ara banna bwa te ota ni maiuia tabeman.*

Tariu ao mwaneu, ai tamaroara manga rokou irarikimi. Ngkai kam ataia, bwa ngke ti ikotaki n Eberi, ti bon karawawataki ni buaia teniman ara Abotoro aika tangiraki Beretitenti Boyd K. Packer, Unimwaane L. Tom Perry, ao Unimwaane Richard G. Scott. A tia n okira mweengaia i kahrunga. Ti aki mwanuokiniia. Ti kakaitau ibukin aia katooto n tangira ai aron ana tangira Kristo ao ibukin aia angareirei aika kaunganano ake a katukui nakoira ni kabane.

Ti butimwaaia ara Abotoro aika boou, Unimwaane Ronald A. Rasband, Unimwaane Gary E. Stevenson, ao Unimwaane Dale G. Renlund. Boni mwaane aika katabuaki nakon ana mwakuri te Uea. A boni kororaoi aroia ni kanoai nakoa akana kakannato akanne are a weteaki nako iai.

E aki maan n nako, ngke I a tia ni wareware ao n iangoi booki aika tabu, uoua karaki aika a tiku n au iango. A aki boou nakoira. Te moan bon te Kabwarabwara n te Maunga “Kam na kaoti ami ota i mataia aomata n ai aron aikai, ba a na nori ami makuri

aika raraoi, ao a na neboa Tamami are i karawa iai.”¹ Te kauoua ni kibu bon teuana are e roko n au iango ngkai I iangoa raoi nanon are te moan. Bon man ana reta te Abotoro Bauro nakon Timoteo: “Ko na riki ba aia tia kakairi aomata aika onimaki, n te taeka, n te aro ni maeka, n te tangira, n te onimaki ao n te itiaki.”²

I kokoaua are e kamataataki n te kauoua ni boki ae tabu, ni mwakorona ae kakawaki, ti kanga ni koko-rooa bukin are te moan. Ti riki bwa taan kakairi ibukia taan onimaki ni maiuakina ana euangkerio Iesu Kristo n te taeka, n te tangira, n te tamnei, n te onimaki, ao n te itiaki. Ngkana ti karaoia, a na ota ara taura n nooraki irouwia tabeman.

Ngaira n tatabemaniira nako ti roko nako aon te aonaaba n anganaki Otan Kristo. Ngkana ti iriira ana katooto te Tia Kamaiu ao ni maiu ngkai E maiu ao E reirei, bwa te ota e na kaota te kawai ibukiia aomata tabeman.

Te Abotoro Bauro e korei onoua anuan te tia onimaki ake a kariaia

otara bwa ana otanako. Ti na taraa teuana imwiin teuana.

I taekin moan anua akana uou-a—n riki bwa te katooto n te taeka ao n te marooro. Taeka ake ti kamanenai a kona ni boutoka ao ni kaunganano, ke a kona n kaikoaki ke ni kamamaara. N te aonaaba n te bong aei e korakora te taetae ni kamaraki are ti katobibiaki iai n taabo ake ti nako iai. E kaangaanga ongoraeian aran te Atua ni kamanenaaki n aki akaaka ao n ae aki riai. Taeka aika tangi buaka a roko man mwakoron te terewition, tamnei, booki, ao katangitang. Kaibibitana n akea te riai boni marooro aika kamaraki ao taetae aika kaunuun. Ti na taetae nakoia aomata ma te tangira, te karinerine, ni kateimotoan ara taeka bwa e na itiaki ao n totokoi taeka ke marooro ake a na kaikoaki ke ni kamaraki nano. Ti riai n ira ana katooto te Tia Kamaiu, are e taetae ma te konabwai ao te akoi ni uaa tokin Ana mwakuri.

Te anua are imwiina e taekinaki iroun Bauro bon te tangira, are e kabwaraaki nanona bwa ana “tangira Kristo ae itiaki.”³ I onimaki bwa iai inanon ara mronron naake a maroaa, naake a mamaara, ao naake a namakina te bwarannano. Tabera bwa tina buokiia ao ni karikirakea tamneia. Te Tia Kamaiu e uota te kantaninga nakoia ake akea aia kantaninga ao te korakora nakoia ake a mamaara. E kamarurungia aoraki, E kanakonakoia mwauku, ake a matakia bwa ana nooraba, a ongo ake a bonotaninga. E kautia maate. Ni kabane Ana mwakuri

E ibuobuoki inanon te tangira nakoia ake a kainnanoia. Ngkana ti iriira Ana katooto, e na kakabwaiaki maiura, n raonaki ma oin maiura.

Are mwina, ngaira banna ni katoto n tamnei. Nanon anne nakoioi ti kekeiaki ni karina inanona te akoi, kakaitau, kabwarabure, ao te tituaraoi. Anua aikai a na katauraoa nakoira te tamnei are e na riangi maiuia ake irarikira. N au tai ni maiu n reitaki ma aomata aika mwaiti are e reke irouna te namakin anne. Ti rinanon te namakin ae onoti ngkana ti mena irariki, te namakin are ti na tangiria ni kan reitaki ma ngaiia ao n iriiri aia katooto. A kaota Otan Kristo ao ni buokiira n namakina Ana tangira ibukira.

Ni kaotia bwa te ota anne are e roko mairoun te tamnei ae tangiraki e kinaaki irouia tabeman, N na tibwa nakoimi te bwai ae riki inanon ririki aika mwaiti n nako.

N te tai anne, taan kairiiri n te Ekaretia ma aobitia i Ierutarem a mwakuria te boraraoi n te riiti ibukin te aba ae e na kateaki iaona ana Tienta te Ekaretia i Ierutarem. N te aro bwa ko na karekea te kariaiakaki are e kainnanoaki, e riai te Ekaretia ni kariaia bwa a na akea te nako n angareirei irouia membwa aika a na kaona te tienta. Imwiin karoan te boraraoi anne, temanna te aobitia mai Iteraera, are e rang ataa te Ekaretia ma kaaina, e taku bwa e ataia bwa te Ekaretia e na karinea te boraraoi anne. "Ma," e taku, ni kainetia nakoia ataein te reirei ake a roko ikekei, "terae ti na karaoia ibukin te ota are imataia?"⁴ E bia te ota anne n ota inanora, bwa e na kona ni kinaaki ao ni butimwaeaki irouia tabeman.

N riki bwa te katooto n te onimaki ti riai n onimakina te Uea ao Ana taeka. Nanona bwa ti bwaibwai ao bwa ti na nabei ara koaua are kairii ara iango ao ara mwakuri. Ara onimaki iroun te Uea Jesu Kristo ao iroun Tamara are i Karawa e na kaungai baike ti karaoi. Ribuakon te aki ota n ara ririki, te kakauntaba i nanora, ao kamangaongaon te maiu ni katoa bong, te onimaki ae matoa

e riki bwa maiura. Uringnga bwa te onimaki ao te nanououa a kai kona n riki n te iango ae teuana, n te tai ae ti teuana, bwa temanna e na kakeaa are teuana. I kamataatai baike a kaokiokaki n taekinaki nakoira—bwa n te aro bwa ko na karekea ao ni kawakina te onimaki are ti kainnanoia, e kakawaki bwa ti wareka ao ni kamatebwaiia ao n iangoi raoi booki aika tabu. Te reitaki ma Tamara are i Karawa rinanon te tataro e kakawaki. Ti aki kona ni kakeai bwaaai aikai, bwa teuare e buakaka ao taan iiriaria kai kona n toki ni ukoukora mamaarara, ni kamemeerea ara onimaki. E taku te Uea ti riai ni ukeuke ma te botumwaaka, n tataro n taainako, ao n onimaki, ao ngkanne bwaaai ni kabane a na mwakuri ibukin kabwaiari.⁵

N te kabane, ti riai n itiaki, are nanona bwa ti itiaki n rabwatara, ara iango, ao n tamneira. Ti ataia bwa rabwatara bon te tembora, ni kawanina ma te rau ao te karinerine. Ara iango a riai ni kaonaki ma iango aika kaunganano ao ni kainaomataaki man bwaaai aikanne are e na kabaareka. N te aro bwa ko na karekea te Tamnei ae Raoiroi bwa raoraora ae teimatoa, ti riai n tau. Tariu ao mwaa-neu, te itiaki e na uota rau te iango ao ti na tau ni karekea ana berita te Tia Kamaiu. E taku, "A kabwaia akana itiaki nanoia: bwa a na noora te Atua."⁶

Ngkai ti kakoaua n riki bwa taan katooto n te taeka, n te marooro, n te tangira, n te tamnei, n te onimaki, ao n te itiaki, ti tau n riki bwa te oota nakon te aonaaba.

N na taetae nakoimi ni kabane, moarara riki nakoimi ngkami aika te rororrikirake, ngkai e tabe te aonaaba ni mwaing n raroa man raroa man tian reirei ao kaetieti ake ti anganaki ma iroun Tamara are i Karawa, ti tei n rianako arora ibuakoia aomata ibukina bwa ti kaokoro ma ngaaia. Ti na rianako arora ibukina bwa ti kaokoro n tein kunnikaira. Ti na riai ni kaokoro ibukina bwa ti aki kabonganai taeka aika bubuaka ao ibukina

ti aki kabonganai bwaika aki raoiroi nakon rabwata Ti riai ni kaokoro ibukina bwa ti aki bwaini manikangare ao kakaraki aika bubuaka. Ti riai ni kaokoro ngkai ti aki kaonii ara kantaninga ma tamnei aika a nako man ara rinerine are e kakea man kanakoa te tamnei ni mwengara ao ni maiura. Ti riai n tei man otanako ngkai ti karaoi taian babaire ni kaineiti ma ara rinerine n—tuan te itiaki ake a nim ma reirein te euangkerio ma ana kainibaire. Bwaai aikanne a kaokoroira man te aonaaba, a karekea nakoira te ota ao te tamnei are e na kaota te ota n te aonaaba ae rikirake rotongitongina.

Angin te tai e boni kaangaanga bwa ti na tei n okoro ao ni katan baike ti kakoauai (e ngae ngke ti ngaira ni karaoia). Ti taneiai ni maakuia aia iango tabeman ae a na iangoia ke n taekinna Taetae ni karaunano man te Areru: "Bon otau ma au tia kamaiu Iehova; ai antai ae N na makua? Bon te tabo ni kamaiuai ae korakora Iehova; ai antai ae N na makua i rouna?"⁷ Ngkai ti karaoa Kristo bwa nuukan maiura, maakura a na oneaki man ninikoriara n ara onimaki.

Akea ioura ae e maiuakina te kororaoi, ao n tabetai kakaewenako ao kaangaanga ake ti kaitaraaki a kamweengabuaka, ao a kaurameerei otara. E ngae n anne, ana ibuobuoki Tamara are i Karawa, n raonaki ma aia boutoka tabeman, ti kona ni manga karekea te ota anne are e kaotai kawira teuana riki te tai ao ni katauraoa te ota are a kainnanoia tabeman.

Ni kamataata, N na tibwa nakoimi taeka ake a kaunganano man teuana au bouem are I moan warekia ririki aika mwaiti n nako.

*I kaitibo ma te iruwa n te tairiki
Are e kekeerikaki ootan ana taura.
I tei ao ni kaota
Ana taura ma irou.*

*E kaoti te ang ae baibati
Ao ni karika rurun te aonaaba.
Ao ngke e toki te ang
E a mate au taura!*

*Ma e a manga okirai te iruwa—
E teimatoa n ura raoi ana taura!
E taua te ura ae kakawaki
Ao ni kaura au taura!*⁸

Tariu ao mwaaneu, ara tai ni kotaaira e katobibira n te bong koraki, ni baike ti kaitara ma nguai. Ngkai ti iriira te Tia Kamaiu, bon ara tai n riki bwa te ota ni maiua tabeman, bwa bon kaain ara utu ke raoraora, raora ni mwakuri, ara ikikina, ke aomata aika ti aki kinaia.

Ngkami n tatabemani ngkami nako, I taekinna bwa ngkoe te natu te mwaane ke te aine iroun Tamara are i Karawa. Kam roko ma ni Mweengana

ni maeka iaon te aba inanon te tai aio, n riki bwa te katooto n ana tangira te Tia Kamaiu ao ana reirei, ao n ninikoria ni kaota otara ibukiia ni kabane bwa a na nooria. Ngkana e a toki maium n rabwata, ngkana ko a tia ni karoa tabem, ko na karekea te kakabwaia ae mimitong ni maeka ma Ngaia n aki toki.

A rang koaua ana taeka te Tia Kamaiu: E taetae Iesu Kristo, “Otan te aba Ngai: ane irai ao e na bon aki nakonako n te ro, ma e na karekea te oota ni kamaiu.”⁹ Aio are I kokoaua Ibukina. Boni Ngaia ara Tia Kamaiu ao te Tia Kabooira, te tia Tei Imarenara ma te Tama. Bon Ngaia te

Tia Kabooi maiura ao ara Tia Kamaiu. Boni ngaia te “ota are ura n te roo.”¹⁰ Bwa koraki ake a ongora n au taeka I bubuti ngkami bwa kam na Iriiria, n riki bwa otan te aonaaba, bon au tataro n Arana ae tabu, te Uea Iesu Kristo, amen.

BWAAI AIKA A NA TARAAKI

1. Mataio 5:16
2. 1 Timoteo 4:12
3. Moronaai 7:47
4. Tara James E. Faust, “The Light in Their Eyes,” *Liahona*, Nobembwa. 2005, 20.
5. Doctrine ao Covenants 90:24
6. Mataio 5:8.
7. Taian Areru 27:1.
8. Lon Woodrum, “Lamps,” *The Lighted Pathway*, Oct. 1940, 17.
9. Ioane 8:12
10. Tara Doctrine ao Covenants 6:20

Reirei Ibuin Ara Tai

Man Nobembwa 2015 nakon Eberi 2016, Reirei n te kaaua n Tabati n te Nakoanibonga ae te Merekitereka ao te Bootaki n Aine a riai ni kataurao-aki man teuana ke e raka riki taetae ake a kanakoaki n te maungatabu ni kabuta n Okitobwa 2015. Inanon Eberi 2016, a kona n rineaki taetae man te maunga-tabu ni kabuta n Eberi 2016 ke n Okitobwa 2015. A riai Beretitenti n Titeiki ao mwakoro n rinei taetae aika a na kabonganaki n aia aono, ke n anga te katabeaki aei nakon te bitiobi ke te beretitenti n te mwaanga.

Taetae a kona n reke n taeka aika batu n conference.lds.org.



Iroun Beretitenti **Henry B. Eyring**
Moan Kauntira n te Moan Beretitentii

Te Tamnei ae Raoiroi bwa Raom

*Ti kona, ngkana ti maiuakina ae tau, ti karekea ana kakabwai
te Tamnei bwa e na raoniira, tiaki tii ngkai ao ningabong ma n tainako.*

I rang kakaitau n raoni ngkami ni bongin te Tabati aei n te mau-nagatabu ni kabuta n ana Ekaretia te Uea. I a tia n namakinna, ngkai I karekea, te Tamnei e kaoti koauan taea ake ti a tia n ongo aika taekinaki ao n aneneaki.

Au kantaninga n te bong aei bwa N na karikirakea nanomi ao ami kouru ni karekei bwaintangira ake a tia ni beritanaki nakoira n tatabemaniira nako imwiin bwabetitoakira. Inanon kamatoakira ao ti ongo taeka aikai: “Karekea te Tamnei ae Raoiroi.”¹ Man te tai anne, maiura a bitaki n aki toki.

Ti kona, ngkana ti maiuakina ae tau ibukina, ni karekei kakabwai iroun te Tamnei bwa e na raoniira, tiaki tii ngkai ma n tainako, n aron taneiai aika kamiimi n aron ae ti karekei n te bong aei, ma n tainako. Kamataia man taikan te tataro n toa bwa e kanga ni kakoroaki nanona: O Te Atua, te Tama ae Akea Tokina, ti butiko n aran natim, Iesu Kristo, bwa ko na kakabwai ma ni katabua te kariki aei nako nanon tamneia ake ana bane ni kanna; bwa a na kanna ni kauringa

iai rabwatan natim, ma ni kakoaua nakoim, O te Atua, te Tama ae Akea Tokina, bwa a boni kukurei ni katoka iaoia aran natim, ma n aki toki n ururingga, ma ni kaawakin ana tua nako ake e a tia n anganii, bwa e aonga ni memena Tamneina irouia n taai nako.

Ao imwiina e roko te berita ae mitong: “Bwa e aonga ni memena *n tainako* Tamneina irouia” (D&C 20:77 e kairaki ma katuruturuana).

Ni karekea Tamneina ioura bwa ti na kona ni karekea kairakira ao ana kawai te Tamnei ae Raoiroi ni maiura ni katoabong. Ti kona, n te katoto, ni kauringaki iroun te Tamnei n totokoa te kaririaki ni karaoan ae buakaka.

Bon tii ibukin anne, e beebeete noorana bwa bukin tera ana toro te Uea a kataia ni karikirakea nanora n taromauria te Atua inanon ara boottaki n toa. Ngkana ti kana te toa inanon te onimaki, te Tamnei ae Raoiroi e na kona ngkanne ni kawakiniira ao naake ti tangiriia man te kariiriaki are e rikirake korakorana ma okiokina.

Ana iraorao te Tamnei ae Raoiroi e karekea ae e raoiroi ni kantara riki

ao te karirii e kerikaaki korakorana. Anne e tau nakoira n ti ngaia bwa ti na kona n teimatoa n tau n raonaki iroun te Tamnei n tainako.

Ngkai e kakorakoraira te Tamnei ae Raoiroi ni kaitara te buakaka, E anganiira naba te mwaaka n ata te koaua man te bure. Te koaua are e taraaki riki e kamatoaaki man te kaotioti mai iroun te Atua. Ara bukibuki n aomata ao kabonganakin ara namakin n rabwata e bon aki tau. Ti maiu inanon te tai are te kabanea ni wanawana e rinanon te tai ae matoatoa ni kina te koaua man te kamwane ae wanawana.

Te Uea e a reireina Ana Abotoro ae Tooma, are e tangira te kakoaua ni mangautin te Tia Kamaiu n riinga ikokina, te kaotioti anne bon te kakoaua ae mano riki: “E taku Iesu nakon Tooma, Ko onimaki, ngkai ko norai: a kakabaia akana onimaki ngkana a tuai n norai” (Ioane 20:29).

Te koaua are e kaota te kawai nakon te mweenga nakon te Atua a kaotaki iroun te Tamnei ae Raoiroi. Ti aki kona n nakon te buakonikai n noora te Tama ao te Nati n taetae nakon te ataenimwaane ae Iotebwā Timiti. Akea te bwai ni kakoaua ke te kauntaeka ae tonu are e kona ni kaotia bwa Eria e roko n aron are e beritanaki bwa e na anga kiingin te nakoanibonga ae reke ngkai ao e kamanenaaki iroun te burabeti ae maiu.

Kamatoan te koaua e roko nakon natin te Atua mwane ao aine ake a tia ni karekea te inaomata ni butimwaea te Tamnei are e Raoiroi. Ngkai te karki ni kewe ao kewe a kona ni kaoti

nakoiria n taina, ti kainnanoa ana wirikiriki Tamnein te Koaua bwa e na kataniira n tain te nanououa.

Ngkai te membwa n te Kooram n Abotoro are Tengaun ma Uoman, George Q. Cannon e bubuti bwa ti na reitinako ni kataia n raonaki iroun te Tamnei. E berita, ao I berita naba, bwa ngkana ti karekeia te kawai anne, "e na bon aki kerikaaki ataaakin" te koaua, "ko na tai nanououa ke n roo," ao ara "onimaki e na bon korakora, kimwareirei[ira] . . . e na kaonaki."²

Ti kainnanoa te ibuobuoki are teimatoa man ana iraorao te Tamnei ae Raoiroi ni bukina riki teuana. Maten temanna ae ti tangiria e kona n roko n aki kantaningaki. Bon te kakoaua mai iroun te Tamnei ae Raoiroi n te koaua man ana tangira Tamara are i Karawa ao te Tia Kamaiu mangautina bwa e na anganira te kantanninga ao te karanano ni buan temanna ae ti tangiria. Te koaua anne e riai ni mena iroura ngkana iai te mate.

Ngaia are, ibukina ae mwaiti, ti kainnanoa ana iraorao te Tamnei ae Raoiroi n tainako. Ti tangiria, ma ti ataia man baike ti rinanona ae aki beebeete kawanian ana iraorao te Tamnei ae Raoiroi. N tatabemaniira nako ti iangoia, taekinna ao ti karaoi bwaa inanon maiura ni katoabong are e kona ni kitaniira iai te Tamnei. Te Uea e reireiniira bwa te Tamnei ae Raoiroi e na reitinako n raoniira ngkana nanora a "kaonaki n te tangira" ao e tamaroa ara iango n aki toki. (tara D&C 121:45).

Ibukiia naake iai aia kanganga ma te kainibaire ae rietata ae kainnanoaki n tau ibukin ana bwaintangira ana iraorao te Tamnei, I anga te kaunganano. Ko a tia ni karekeia te tai are ko namakina iai ana iraorao te Tamnei ae Raoiroi. E kona n riki n te bong aei.

Ko kona n iangoi taai n namakin akanne n aron uaan te onimaki are e kabwarabwara Aramwa. (tara Aramwa 32:28). Unikii ni kaka teuana. Ko kona ni karoa anne ni karoan wirikiriki ake ko namakinii. Te namakina ae moan te kakaawaki bwa ko na ata te bwai are e tangiria te Atua bwa ko na karoaia. Ngkana ko

na kabwaka am kabwianibwai ke ni kawara raoraom ae nanokawaki, ko riai ni karoaia. N te tai are e riki iai, karoaia. Ngkana ko kaota ingaingam n ongeaba, te Tamnei e na anganiko riki namakin ake e na anganiko te Atua bwa ko ko na karoai Ibukina.

Ngkana ko ongeaba, te namakin mairoun te Tamnei e na roroko n tainako. Mwaakam n rinea te eti e na rikirake.

Ko kona n ataia ngkana a roko wirikiriki akanne ni karoa are mai iroun te Tamnei nakon are a nako mai inanom. Ngkana te wirikiriki a booraoi ma te Tia Kamaiu ao ana burabeti ae maiu ao abotoro ake a tia n taekin, ko kona n rinea n ongeaba ma te mwengaraoi. Ngkanne te Uea e na kanakoa Tamneina bwa e na buokiko.

Te katooto, ngkana kam karekeia ana wirikiriki te tamnei ni karinea te bong ae te Tabati; riki ngkana e taraa ni kanganga, te Atua e na kanakoa Tamneina bwa e na ibuobuoki.

Te ibuobuoki anne e roko iroun tamau n riri aika a nako ngke e nako ni mwakuri i Aotiteria. Bon tii ngaia n te Tabati, ao e tangiria ni kana te toa. Akea rongorongan te bootaki irouia Aika Itiaki ni Boong Aika Kaitira ae reke irouna. Ngaia are e a waaki n rianna. E tataro ni katoai tutanikawai n ataia bwa te kawai raa ae e na iria. Imwiin riannana ao rarairakina inanon teuana te aoa, e tei ao e manga tataro riki. E namakina te wirikiriki bwa e na taraa te kawai are i nano. N te tai ae waekoa e a tabe n ongo te anene are e roko mai antano te auti ae uakaan. E kaninganipa n te winto ao e nooria tabeman aomata n tekateka ni kaan nakon te taibora ae rabunaki n te kunnikai ae mainaina ao taian turee n toa.

Ngkai, anne tao e taraa n aki tau nakoimi, ma bon te bwai ae kamiimi nakoina. E ata te berita n te tataro n toa e a tia ni kakororaoaki. "Ma n aki toki n uringnga, ma ni kaawakin ana tua nako ake ko a tia n anganii, bwa e aonga ni memena Tamneina irouia n taai nako." (D&C 20:77).

Anne teuana te katooto n te tai are ngke e tataro ao imwiina e karoaia are

e tuangnga te Tamnei are e tangiria te Atua bwa e na karoaia. E reitinako ni karoaia inanon riri aika mwaiti, are ngkoe ao ngai ti kona. E aki kona n taekina maiuna n tamnei. E tii teimatoa ni karoai bwaa aika a uarereke ibukin te Uea.

Ngkana a tuangnga tabeua kurubu irouia Aika Itiaki ni Boong Aika Kaitira bwa e na taetae nakoia, e karoaia. E aki tabe ngkana tao 10 aomata ke 50 ke kuara ngaia. E kaota ana koaua iroun te Tama, te Nati, te Tamnei ae Raoiroi, ao irouia burabeti ngkana e kaungaaki iroun te Tamnei bwa e na karoaia.

Rietatan nakoana n te Ekaretia bon te kauntira ae rietata n ana Titeiki Bonneville, are e korouteute n ana onaroka te titeiki, ao e reirei n te Reirei n Tabati. Inanon riri aika mwaiti, ngkana e kainnanoia, e mena te Tamnei ae Raoiroi ikanne n riki bwa raoraona.

I tei irarikin tamau n ruun te onoraki. Tinau, kainnabana ae 41 ana riri, e wene n te kainiwene. Ti tiku irarikina n taratarraia inanon aua te aoa. Ti moanna n noori kanikinaean te maraki ni kaoti iaon ubuna ni bua. Tabonibaina, are e katimo, a tangainanako. Bain a wene irarikina.

Te maraki n te kaentia inanon riri aika a mwaiti e a toki. I noora te rau iaon ubuna. E ikerake tabeua te tai, e anaa kabanean ikena, ao imwiina e wene n rau. Ti tei n tataninga ikekeina ngkana iai riki ikena.

N tokina, e karaurau n taekinna Tamau, "E a okira mweengana."

E aki tang. Aio bukina bwa te Tamnei ae Raoiroi e a kaman memena irouna n anganna te atatai bwa e mena ia, e roko mai ia, arona are e karekeia, ao e na nakea imwiina. Te Tamnei e a tia ni kakoaua nakoina n taai aika mwaiti iroun Tamana are i Karawa ae tangira, iroun te Tia Kamaiu are e a tia n urua mwaakan te mate, ao koauan te kabaebae n te tembora are e karoia ma buuna ao ana utu.

Te Tamnei e a kaman kakoaua nakoina bwa tamaroana ao ana onimaki e karekeia okina nakon mweengana

i karawa are e na uringaki iai bwa ataein te berita ae tamaroa ao e na butimwaeaki nakon mweengana ma te karineaki.

Ibukin tamau, e mwaiti riki anne nakon te kantaninga. Te Tamnei ae Raoiroi e a tia ni kakoroa bukina nakoina.

Ngkai, tabeman a kona n taku bwa ana taeka ao tamnein ana iango n te mweenga i karawa bon te iango ae karioi, ana motikitaeka te kainnaba n te tai are bua iai raona. Ma e ataia bwa te koaua ae akea tokina bon ti te kawai are e kona iai n ataia.

Bon te tiaientiti are e ukeuke ibukin te koaua n taekan te aonaaba inanon maiuna ni kairake. E kabonganai bwai ni mwakuri n te tiaienti n aron ae tau bwa e na karineaki irouia rorona ni kabuta te aonaaba. Mwaitin are e karaopia n te kemitoriori e roko man katamneian bwaai aika kakamwakuri ao imwiina e kamatoa te bwai are e nooria n ana kakatai n te rabaoritorii.

Ma e a tia n ira te kawai ae kaokoro ni kunea bwa te koaua ae kakawaki riki irouna ao nakoira n tatabemaniira nako Ti mairoun te Tamnei ae Raoiroi ae ti kona n nooria aomata ao bwaai aika riki n aron are e nori te Atua.

Te bwaintangira anne e reitinako inanon te onaoraki imwiin maten buna. Ti booti ana bwai tinau ni uoti nakon mweengara. Tamau e tei ni karabwaia ni kabane neeti ao taokita ake ti bo mangaia iaon kawaira nakon te kaa. I uringa ae I namakina, tabeua te aki raun nano, bwa ti na bon tiku nti ngaira ma nanokawakira.

I aataia ngkai bwa e noori bwai tii man are e kaoti nakoina te Tamnei are e Raoiroi. E noria aomata akekei ngke te anera ae kanakoaki iroun te Atua nakon buna ae tangiraki. Tao a taraiia bwa taan karekea te marurung n nakoia, ma tamau e karabwaia ibukin aia beku n tei ibukin te Tia Kamaiu.

E reitinako raonakina iroun te Tamnei ae Raoiroi e reitinako irouna ngke ti a roko ni mweengaia au karo. Ti maroro tabeua te miniti inanon te ruu ni katangaina. Tamau e kamwa na kona nakon ana ruu ni matu ae kaan.

Imwin tabeua te miniti, e nako-nako n oki nakon te ruu ni katangaina. Iai matangare ae kakukurei. E nakoira ao e taetae ma te karaurau “I raraoma bwa Mildred e na bae ni maroa n roko n te aonaaba n tamnei. I taku bwa e na bae n aki ata kawaina ibuakoia te koraki.” “Iangoia bwa tao e na bua ibuakoia aomata.”

Ngkanne e taku ma te kukurei, “I tataro ngkai naba. I ataia bwa Mildred e bon rau. Tinau e bon mena ikekei ni butimwaea.”

I uringa moangarena ngke e tae-kina aei, ni katautaua tibu te unaine, birin waena ake a kororo, ni waekoa rinmarenia aomata ni kakoaua bwa e na bon mena ikekei ni butimwaea rokon ao ni inga ma buun natina.

Ngkai, teuana bukin te bwai ae bubuti tamau ibukina ao ni karekea bwa te rauaki ibukina e a kaman tataro n onimaki ngke e uarereke. E a taneiai ni karekea boon ana bubuti nakon nanona n anganna te raunnano ao kairana. N reitaki ma anuana n ta-tataro, e atai koroboki aika a tabu ao aia taeka burabeti aika a maiu. Ngaia e kinaa te ana wirikiriki te Tamnei, are ko na bon namakinna n te bong aei.

Raonakina iroun te Tamnei e karekea riki te rauaki ao kawakinana. E bitia rinanon ana Mwakuri ni Kamaiu Iesu Kristo. Ngkana ti butimaea te berita anne ni karekea te Tamnei n raoniira n taainako, te Tia Kamaiu e kona n anganiira itiakin kainanoan te maiu ae akea tokina, te kabanea n rietata ni bwaintangira mairoun te Atua (tara D&C 14:7).

Ko na uringa ana taeka te Tia Kamaiu: “Ao ngkanne aio te tua: Rairinanomi ngkami tokin aonaaba,

ao nako mai nakoia ma ni bwabebitoaki n arau, bwa kam aonga ni katabuaki ngkana kam butimwaea te Tamnei ae Raoiroi, bwa kam aonga n tei n akea barekami imatau n te kabanea ni bong. (3 Nibwaai 27:20).

Tuua akanne a roko ma te berita aio mairoun te Uea:

E taku te Uea bwa ti na katukui ara onimaki iroun te tamnei are e kairiira ni karaoon ae raoiroi, ni karaopia te etieti, n nakonako n nanorinano, ni momotiraoi n te eti.

E na raoniira Tamneina, e na kabebetea ara iango ao ni kaonii nanora n te kimareirei.” (D&C 11:12–13).

N na kaota au koaua bwa te Atua te Tama e maiu, bwa mangautin Iesu Kristo e kaira Ana Ekaretia, bwa Beretitenti Thomas S. Monson e taui ni kabane kiingin te nakoanibonga, ao bwa te kaotioti rinanon te Tamnei ae Raoiroi e kawakiniira ao kamatoa Ana Ekaretia Iesu Kristo Ibukiia Aika Itiaki n Boong aika Kaitira ao membwa aika a nanorinano.

I reitinako ni kakoaua nakoimi bwa mwaane aika a kamiimi aikai ake a tia n taetae nakoira n te bong aei bwa taan kakoaua nakon te Uea Iesu Kristo, bwa membwa n te Kooram n Abotoro n te Tengaun ma Uoman, a weteaki iroun te Atua. I ataia bwa te Tamnei e kaira Beretitenti Monson bwa e na weteiia. Ao ngkana ko ongora irouia ao aia koaua, te Tamnei ae Tabu e kamatoa nakoim bwa tera ae I taekinna nakoim ngkai. A weteaki mairoun te Atua. I kamatoaiia ao n tangiriia ao n ataia bwa te Uea e tangiriia ao ni kamatoaia inanon weteaia. Kakabwaia aikai ake I a katokai iaomi n aran te Uea Iesu Kristo, amen.

BWAAI AIKA A NA TARAAKI

1. *Aeniboki 2: Babairean Aron Kairan te Ekaretia* (2010), 20.3.10.
2. Tara George Q. Cannon, in “Minutes of a Conference,” *Millennial Star*, Mei 2, 1863, 275–76.